



Txotx egiten, Astigarragako Zapiain sagardotegian. JAGOBA MANTEROLA / ARGAZKI PRESS

SAGARDO BERRIA, ARINA ETA FINA

*Sagardotegietan
jadanik prest dago
2017ko uztako sagardoa,
txotx garaian
nahiz botilan
dastatzeko.*

Sagar ugari jaso dira Euskal Herri ia osoan. Sagar asko, neurri eta kalitate onekoak, eta etekin ona eman dutenak. Ohi baino gehiago aurreratu da sagar goiztiarra, erdialdekoa pixka bat, eta urtero baino lehentxeago etorri dira azkenak heltzen diren sagarrak. Hori dela eta, iazkoak baino sagardo arinagoak, argiagoak eta finagoak dira aurtengoak: oro har, toki bakoitzak bere ezaugarri propioak izaten baditu ere.

Aurtengo txotxean, oreka eta gorputz ederra duten sagardoak dastatu ahal izango dira. Iaz baino gorputz

gutxiago izan arren, ederki orekatuta daude, eta iaz baino alkohol gutxixeago dute; 6 gradu, gutxi gorabehera.

Irakinaldiei dagokienez, azkar irakin dute sagardoek urriko tenperatura egokien eraginez, eta usain ederra dute gehien-gehienek. Horrek, jakina, esan nahi du aurtengo txotxean bukatutako eta ondo borobildutako sagardo asko izango dela, sagardotegi batetik bestera gauzak asko aldatzen badira ere.

Usain gozoa

2017ko uztako sagardoan fruta eta lore usaina da nagusi, zeinak sagar freskoa gogoratzen duen. Gainera, sagarraren taninoak ematen dion gorritasuna eta bizitasuna ditu sagardoak.

Laburbilduz, 2017. urteko uztako sagardoa orokorrean freskoa da aromari dagokionez, sagar eta lore usainekoa, egitura eta gorputz orekatua du, eta txinparta finekoa da.

TXOTX IREKIERAK

Txotx garaia oihartzun eta arrakasta handiko ohitura da Euskal Herriko sagardotegietan. Urtero 800.000 bisitari inguru izaten dituzte Euskal Herriko sagardotegiek txotx garaian, urtarriletik maiatzera, eta horrek eragin zuzua du inguruko ekonomian. Horrez gain, gero eta sagardotegi gehiago dira urte osoan edo denboraldi luzeagoan zabaltzen dutenak.

Hona hemen aurtengo irekiera ekitaldiak:

Gipuzkoan

Astigarragan: urtarrilaren 17an, 12:00etan, Gurutzeta sagardotegian.

Hernanin: urtarrilaren 13an, 12:00etan, herriko plazan (giro txarra bada, Atsegindegian).

Bizkaian

Zornotzan: urtarrilaren 24an, 11:00etan, Uxarte sagardotegian.

Araban

Aramaion: urtarrilaren 18an, 19:30ean, Iturrieta sagardotegian.

Nafarroan

Berueten: urtarrilaren 19an, 12:00etan, Behetxonea sagardotegian.

Lapurdin

Azkainen: otsailaren 3an, 20:00etan, Txopinondo sagardotegian.

LIZEAGA
SAGARDOTEGIA

SAGARDO
NATURALA

www.lizeaga.eus

euskal
sagardoa